

**Kilisalluni aalisarnermi avatangiisink ajoqusiisarnerit annikinnerulersinnissaannut suliniutinik aallartitseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut,**  
 (Inatsisartunut ilaasortaq, Kim Kielsen, Siumut)

### **Akissut**

(Aalisarnermut, Piniarnermut Nunalerinermullu Naalakkersuisoq)

### **Siullermeerneqarnera.**

Inatsisartunut ilaasortaq Kim Kielsen kilisalluni aalisarnermi avatangiisink ajoqusiisarnerit annikinnerulersinnissaannut suliniutinik Naalakkersuisut aallartitseqqullugit peqquneqarnissaannik siunnersuuteqarpoq makku innersuussutigalugit:

1. Kilisalluni aalisarneq ikummatissamik atuinerujussuarmut atalluinnarpoq.
2. Kilisalluni aalisarneq pisarisuugaqarnerujussuarmik kinguneqarsinnaasarpoq amerlanertigut igiinnarneqartartunik aamma qaqutigoortumik uumaannarsinnaasartunik.
3. Kilisalluni aalisarnerup immap naqqata naasoqarnera uumasoqarneralu annertuumik ajoqu-sersinnaasarpa.

Aallarniutigalugu naqissuseqqikkusuppara sutigut tamatigut Kalaallit Nunaanni aalisarnermi piujuannartitsinissaq Naalakkersuisut aallaaviginiarmissuk, taamaattumik taamatut siunnersuuteqarneq tikilluaqqunarpooq.

Ikummatissanik annertuunik atuisarneq gassinillu ulorianaatilinnik avatangiisnut aniatitsisartut pillugit ilisimatitsissutigissavara ukiup 2020-p tungaanut ikummatissanik nunap iluaneersunik atuinerup 5 % angullugu annikillineqarnissaa Naalakkersuisut pilersaarutigimmassuk. Taamatut annikilliliinissaq soorunami aamma aalisarnitsinnut tunngavoq.

Pinngortitaleriffimmiit paasissutissat tunngavigalugit ukiuni makkunani saarlisaartut pillugit annertuumik ineriartorttsisoqarpoq – aningaasannanniutigalugu aammalu nunarsuarmi – ilaatigut saarlisaartut immap naqqanut attuussangitsut eqqarsaatigalugit. Pinngortitaleriffilli nalunaaruteqarpoq ilisimanagu siunissami taakkua saarlisaartut atorneqarsinnaanersut, taamaattorli Kalaallit Nunaanni saarlisaartut taamatut ittut umiarsuup ataatsip atorai ilisimallugu. Saarlisaartut pineqartut ineriartortinneri iluatsissappata immap naqqanik annikinnerusumik sunniuteqarnissaat aammalu ikummatissanik annikinnermik atuinissaat naatsorsuutigineqarpoq.

Taamaattorli ilisimatitsissutigissavara aalisarnermi qalut piniutitut inissimareermata, taamaattu-millu inerteqqtigineqarsinnaanatik, atorneqarnerili killilersorneqarsinnaallutik. Assersuutitut taasinnaavara usitussutsit, maskiinat nukittussusaat sillimmasiinerillu nalingi aallaavigelugit Danmarkimi aalisarnerup 75 %-ia qalorsuarsorluni ingerlanneqarmat. Taamaattumik piniutit taakku avatangiisink ajoqusiinnginnerulissappata tamanna allatigut pisariaqarpoq.

8. april 2010

UPA 2010/56

Assersuutigalugu aalisartut kajumissaarneqarsinnaapput ikummatissanik atuinnginnerulluni aalisar-luni piniutinik allanik atueqqullugit, soorlu qalorsuorsorluni aalisarnermi aalisagaq 1 kiilu pisari-niaraanni ikummatissaq 0,2 literi atorneqassaaq, akerlianilli kilisalluni aalisarnermi 2,6 literi atorneqassalluni.

Pisarisuukkat annertuut innersuussutigineqarmata ilisimatitsissutigissavara pisarisuukkat pillugit nalunaarummi malittarisassaqarmat pisarisuukkat annertuallaat pillugit ajornartorsiummik iluarsisoqarnissaanik siunertaqartumik. Taakku saniatigut pisarisuukkat annertuumik annikillisinneqartarput immikkoortiterutit ikkunneqarnerisigut, soorlu piujuartitsinissaq siunertaralugu aalisarnerup teknikkikut iluarsartuussivigineqarnera pillugu nalunaarummi allassimasutut.

Kalaallit raajarniarneranni immikkoortiterissutit atorneqarnerisa kinguneraat saniatigut pisarisuukkat ikittuinhaammata aamma tamanna uppernarsarneqarpoq ilisimatuuussutsikkut pilersaarusi ami EU-p ataani anguniakkanik nalunaarummi CEDER-imi (Catch Estimation and Discard Estimation in Real-Time – pisanik igitanillu piffissaq piviusoq atorlugu missingersuineq). Aamma Pinngortitaleriffik naapertorlugu kilisalluni qaleralinniarnermi saniatigut pisarisuukkat annikitsuaraasarput.

Marine Stewardship Council (MSC) malillugu akuersissuteqartarnerup eqqunniarneqarneranu t atatillugu kilisalluni aalisarnerup immap naqqanut sunniistarnera eqqumaffigineqalerpoq. Ilisimatuutut sammisani tessani Pinngortitaleriffik ilisimatuuussutsikkut pilersaaruteqarsimannngilaq – taamatut misissuinerit annertuumik aningaasartaasarpus aamma ilisimasanik immikkoorluinnartumik pisariaqartitsilluni. Marine Stewardship Council malillugu akuersissuteqartarnerup eqqunneqarnissaanu t atatillugu KANUAANA aamma / imaluunni i nuussutissarsiorput namminneq aalisartuniit paassisutissanik katersisimapput sumiiffit sunnertiasuussinnaasut toqqarsinnaajumallugit.

Kiisalu ilisimatitsissutigisinnavaara Kalaallit Nunaat 2007-miilli Atlantikup Avannaata Kitaani Aalisarnermut Kattuffissuup NAFO-p aamma Atlantikup Avannaata Kangiani Aalisarnermut Kattuffissuup NEAFC-p ataani immap naqqata naasui uumasuulu illersorneqarnissaannut suliniuteqarnermut peqataammata. Tassunga atatillugu ilisimatitsissutigisinnavaara Marine Stewardship Council malillugu akuersissuteqartarnerup – tassa certificering-ip anguniarnerani suliaqarnermut atasumik Kalaallit Nunaata imartaani immap naqqata naasui uumasuulu eqqarsaatigalugit sumiiffit mianernarsinnaasut nalunaarsorneqarnissaat pillugit isumaqtiginninniarnerit ingerlammata.

Qulaani taaneqartut tunngavigalugit Naalakkersuisut siunnersuut tapersersunngilaat aalajangiinissamullu siunnersuutip itigartinneqarnissaa inassutigalugu.